

Na osnovu čl. 57., 62., 77. i 78. Zakona o srednjem obrazovanju ("Službene novine Kantona Sarajevo", broj: 23/10 i 1/16) Ministarstvo za obrazovanje, nauku i mlade Kantona Sarajevo objavljuje

## K O N K U R S

### za upis učenika u prvi razred srednjih škola sa područja Kantona Sarajevo u školskoj 2016./2017. godini.

Drugi konkursni rok za upis u PRVI razred srednjih škola u školskoj 2016./2017. godini traje od 11. jula do 13. jula 2016. godine. Kandidati koji konkurišu u umjetničke škole polažu prijemni ispit.

Kandidati koji konkurišu u ostale srednje škole **ne polažu** prijemni ispit.

Prijemni ispit u umjetničkoj školi će se odvijati u terminima koje utvrde škole sa mjestom i satnicom polaganja prijemnog ispita koji će biti objavljen na oglasnoj tabli i WEB-stranici škole koji su dužni okončati za vrijeme trajanja konkursnog roka.

Izbor kandidata vršit će se na osnovu Odluke sa kriterijima za prijem učenika u prvi razred srednjih škola Kantona Sarajevo, koji je sastavni dio ovog konkursa.

### ODLUKA SA KRITERIJIMA ZA PRIJEM UČENIKA U PRVI RAZRED SREDNJIH ŠKOLA KANTONA SARAJEVO

#### I OPŠTE ODREDBE

##### Član 1.

##### (Pravo upisa u prvi razred srednjih škola)

(1) Pravo upisa u prvi razred srednjih škola imaju učenici sa završenom osnovnom školom, koji nisu stariji od 18 godina, odnosno koji do kraja tekuće kalendarske godine ne navršavaju više od 18 godina života.

(2) U prvi razred specijalne srednje škole, odnosno specijalna odjeljenja srednje škole, pravo upisa imaju učenici koji nisu stariji od 20 godina, odnosno učenici koji do kraja tekuće kalendarske godine ne navršavaju više od 20 godina života.

##### Član 2.

##### (Procedura prijema i obrade dokumentacije)

(1) Srednje škole vrše upis učenika u prvi razred u skladu sa Planom upisa učenika u srednje škole Kantona Sarajevo, koji na prijedlog Ministarstva za obrazovanje, nauku i mlade (u daljem tekstu: Ministarstvo), donosi Vlada Kantona Sarajevo.

(2) Izmjene i dopune odnosno proširenje Plana upisa iz stava (1) može odobriti samo Vlada Kantona Sarajevo.

(3) Proceduru prijema i obrade dokumentacije učenika provodi tročlana komisija koju imenuje školski odbor, na prijedlog direktora škole.

(4) Direktor srednje škole, na prijedlog komisije iz stava (2) ovog člana, utvrđuje preliminarnu rang-listu učenika najkasnije 24 sata od zatvaranja konkursa.

(5) Preliminarnu rang-listu direktor srednje škole objavljuje na **oglasnoj tabli i WEB-stranici škole**, sa jasno istaknutom napomenom da je na istu dopušten prigovor roditelja/staratelja i to u roku od 48 sati od dana objavljivanja preliminarne rang-liste.

(6) Odluku o prigovoru donosi školski odbor, najkasnije u roku od 24 sata.

(7) Konačnu rang-listu svih kandidata i učenika primljenih u prvi razred, utvrđuje školski odbor i objavljuje je na **oglasnoj tabli i WEB-stranici škole, te istu dostavlja Ministarstvu u roku od 24 sata.**

### **Član 3. (Uslovi za upis)**

Upis učenika u prvi razred srednjih škola vrši se pod istim uslovima za sve učenike državljanke Bosne i Hercegovine, povratnike iz inostranstva, kao i za strane državljane i lica bez državljanstva u skladu sa Zakonom o srednjem obrazovanju.

### **Član 4. (Konkurs)**

(1) Izbor kandidata za upis u srednju školu vrši se na osnovu ove odluke, koja je sastavni dio Konkursa za upis učenika u prvi razred srednjih škola.

(2) Konkurs iz st. (1) i (4) raspisuje Ministarstvo.

(3) Prvi konkurs za upis učenika u prvi razred srednjih škola u Kantonu Sarajevo **javno se objavljuje**, kao i na zvaničnoj web stranici Ministarstva, najkasnije dva mjeseca prije početka naredne školske godine i otvoren je najmanje sedam radnih dana.

(4) Ministarstvo raspisuje drugi konkurs za škole koje ne popune planirana mjesta u prvom konkursnom roku, u skladu sa Planom upisa iz člana 2. ove odluke, i to najkasnije 15 dana prije početka školske godine i otvoren je najmanje tri radna dana.

### **Član 5. (Dodatni uslovi za upis u umjetničku školu/gimnaziju –sportsko izbornu područje)**

(1) Kandidati koji konkurišu u umjetničke škole, odnosno u gimnaziju – sportsko izbornu područje, polažu prijemni ispit, odnosno test fizičke sposobnosti, **koji su dužni okončati za vrijeme trajanja prvog konkursnog roka.**

(2) Program polaganja prijemnog ispita u umjetničkoj školi, test fizičke sposobnosti za kandidate koji konkurišu u gimnaziju-sportsko izbornu područje, način ocjenjivanja u smislu eliminatornosti, i kriterije vrednovanja rezultata, utvrđuje nastavničko vijeće škole i isti dostavlja ministarstvu najkasnije sedam dana prije testiranja.

### **Član 6. (Mjesto i vrijeme predaje dokumentacije)**

(1) Informacije o mjestu i vremenu predaje dokumenata za upis u srednje škole, objavljuju se u konkursu iz člana 4. ove odluke.

(2) Mjesto i satnica polaganja prijemnog ispita za kandidate koji konkurišu u umjetničke škole, kao i mjesto i satnica polaganja testa fizičke sposobnosti za kandidate koji konkurišu u gimnaziju-sportsko izbornu područje, objavljuju se na **oglasnoj tabli i WEB-stranici tih škola.**

### **Član 7. (Sadržaj prijave za upis)**

Za prijavu na konkurs za upis u prvi razred srednje škole kandidat je dužan predati slijedeća originalna dokumenta:

- a) zahtjev za upis;
- b) svjedodžbu o završenom IX razredu osnovne škole;
- c) uvjerenje o uspjehu u VI, VII i VIII razredu osnovne škole;

- d) uvjerenje o rezultatima postignutim na eksternoj maturi;
- e) izvod iz matične knjige rođenih – ovjerena kopija i
- f) druga dokumenta relevantna za utvrđivanje broja bodova po kriterijima iz člana 11. Odluke.

## II KRITERIJI

### Član 8. (Kriteriji za upis)

Upis učenika u srednje škole vrši se na osnovu sljedećih kriterija:

- a) općeg uspjeha kandidata postignutog u VI, VII, VIII i IX razredu osnovne škole;
- b) uspjeha iz predmeta značajnih za odgovarajuću školu, iz člana 9. ove odluke;
- c) rezultata postignutog na ispitima eksterne mature;
- d) rezultata postignutih na kantonalnim, te takmičenjima na nivou entiteta u BiH, BiH, kao i na međunarodnim takmičenjima.

### Član 9. (Predmeti posebno značajni za određenu vrstu srednje škole/struku)

Predmeti posebno značajni za određenu vrstu srednje škole/struku utvrđuju se kako slijedi:

VRSTA SREDNJE ŠKOLE/ STRUKA/ZANIMANJE	Predmeti posebno značajni za određenu školu/struku/zanimanje
gimnazija, ekonomska škola trgovačka škola	Bosanski, hrvatski, srpski jezik i književnost Matematika, strani jezik
medicinska, zubotehnička, veterinarska, prehrambena, poljoprivredna, šumarska, kozmetičar, frizer	Bosanski, hrvatski, srpski jezik i književnost, Hemija, Biologija
ugostiteljsko-turistička	Bosanski, hrvatski, srpski jezik i književnost, Geografija, strani jezik
tekstilna, kožarska	Bosanski, hrvatski, srpski jezik i književnost, Hemija, Fizika
škola primijenjenih umjetnosti	Bosanski, hrvatski, srpski jezik i književnost, Likovna kultura, strani jezik
muzička škola	Bosanski, hrvatski, srpski jezik i književnost, Muzička kultura, strani jezik
ostale škole/struke (mašinska, metalska, elektro, građevinska, geodetska, drvna, saobraćajna, grafička	Bosanski, hrvatski, srpski jezik i književnost, Matematika, Fizika

### Član 10. (Broj bodova po osnovu rezultata tokom školovanja)

Za kandidate koji konkurišu u srednje škole, broj bodova po osnovu rezultata postignutog na ispitima eksterne mature i uspjeha u osnovnoj školi utvrđuje se na slijedeći način:

- a) **Opći uspjeh u VI, VII, VIII i IX razredu osnovne škole buduće se sa maksimalno 50 bodova, tako da se zbir prosječnih ocjena svedenih na dvije decimale u VI, VII, VIII i IX razredu osnovne škole pomnoži sa brojem 2,50.**

- b) **Uspjeh iz predmeta posebno značajnih za odgovarajuću školu boduje se sa maksimalno 20 bodova, tako da se saberu ocjena dobijene u VIII i IX razredu osnovne škole iz tri predmeta posebno značajna za odgovarajuću vrstu srednje škole - član 9. ove odluke, se pomnoži sa brojem 0,67.**
- c) **Rezultat postignut na ispitima eksterne mature boduje se sa maksimalno 30 bodova,**

#### **Član 11.**

##### **(Bodovi osvojeni na takmičenjima)**

(1) Za jedno od osvojenih mjesta na kantonalnom takmičenju učenika osnovnih škola dobije se slijedeći broj bodova:

- a) za osvojeno prvo mjesto 3 boda,
- b) za osvojeno drugo mjesto 2 boda i
- c) za osvojeno treće mjesto 1 bod.

(2) Za jedno od osvojenih mjesta na takmičenju učenika osnovnih škola na nivou entiteta u BiH i BiH dobije se slijedeći broj bodova:

- a) za osvojeno prvo mjesto 4 boda,
- b) za osvojeno drugo mjesto 3 boda i
- c) za osvojeno treće mjesto 2 boda.

(3) Za jedno od osvojenih mjesta na međunarodnom takmičenju učenika osnovnih škola dobije se slijedeći broj bodova:

- a) za osvojeno prvo mjesto 5 bodova,
- b) za osvojeno drugo mjesto 4 boda i
- c) za osvojeno treće mjesto 3 boda.

(4) Ukupan broj bodova koje učenik dobije po osnovu takmičenja iz ovog člana ne može preći 10 bodova, s tim da se boduju samo takmičenja koja su zvanično organizovana na nivou Kantona, Federacije BiH, Bosne i Hercegovine i to iz predmeta matematika, fizika, informatika, strani jezik, geografija, a za umjetničke škole i takmičenja iz okvira te struke, te u tehničkim školama, u kojima se pored navedenog boduju i rezultati u okviru takmičenja pod nazivom "Smotra tehničkog stvaralaštva" za koje je suorganizator Ministarstvo.

#### **Član 12.**

##### **(Potreban broj bodova za upis u srednje škole)**

(1) Za svakog kandidata koji konkuriše za prijem u prvi razred srednje škole utvrđuje se ukupan broj bodova po osnovu rezultata navedenih u članovima 10. i 11. ove odluke.

(2) **Za upis u gimnaziju učenik po svim osnovama mora imati minimalno 75 bodova.**

(3) Za upis u gimnaziju – sportsko izbornu područje, učenik po svim osnovama mora imati minimalno 75 bodova i to na način da:

- a) po svim osnovama navedenim u članovima 10. i 11. ove odluke mora imati minimalno 70 bodova,
- b) te ostvariti dodatno minimalnih 5 bodova koji se odnosi na test fizičke sposobnosti

(4) **Za upis u ekonomsku školu i škole zdravstvene struke učenik po svim osnovama mora imati minimalno 68 bodova.**

(5) **Za upis u ostale škole za zanimanja u četverogodišnjem trajanju obrazovanja učenik po svim osnovama mora imati minimalno 60 bodova.**

(6) Za upis u trogodišnju školu se ne utvrđuje potreban minimalan broj bodova.

**Član 13.**  
**(Uslov za upis učenika iz inostranstva)**

(1) Ako je učenik završio osnovnu školu u inostranstvu i ako nema predmeta u VIII i IX razredu koji se boduju kao predmeti značajni za struku pri upisu u prvi razred, onda se umjesto ocjena iz tog predmeta uzima prosječna ocjena iz svih predmeta tog razreda (aritmetička sredina).

(2) Ako je učenik završio osnovnu školu u inostranstvu ili ako dolazi iz registrovane osnovne škole sa područja Bosne i Hercegovine koja realizira nastavne planove i programe drugih država ili asocijacija država, onda se pri upisu prvi razred umjesto bodova postignutih na ispitima eksterne mature upisuju bodovi koji se dobiju tako što se zbir prosječnih ocjena iz svih predmeta u posljednja četiri razreda osnovne škole pomnoži sa brojem 1,5.

(3) Ukoliko učenik sa područja Kantona Sarajevo iz opravdanih razloga ne pristupi polaganju ispita, određuje se ekvivalent bodova za eksternu maturu koji osnovna škola upisuje u obrazac predviđen Pravilnikom o polaganju eksterne mature na osnovu zaključenih ocjena za taj predmet na sljedeći način:

a) za predmete:

- 1) Bosanski, hrvatski, srpski jezik i književnost;
- 2) prvi strani jezik;
- 3) Matematika.

zbir zaključenih ocjena u 6., 7., 8. i 9. razredu se dijeli sa brojem 2.

(4) Opravdanost razloga zbog kojih učenik nije pristupio polaganju ispita iz Eksterne mature na zahtjev roditelja cijeni školski odbor i odluku dostavlja Ministarstvu.

**Član 14.**  
**(Prednost pri upisu u prvi razred)**

Pod jednakim uslovima iz ovih kriterija, prednost imaju:

- a) djeca boraca-branitelja BiH;
- b) djeca ratnih vojnih invalida;
- c) djeca šehida i poginulih i nestalih boraca-branitelja i umrlih ratnih vojnih invalida;
- d) djeca organizatora otpora;
- e) djeca veterana-prvoboraca
- f) djeca nosilaca najviših ratnih priznanja.

(Čl. 1., 2., 5. i 23. Zakona o dopunskim pravima-branitelja BiH ("Sl. novine Kantona Sarajevo" broj 2/02)

R. br	ŠKOLA	ZANIMANJE		PLAN UPISA
		Obrazovanje traje 4 godine	Obrazovanje traje 3 godine	Učenika
1	Četvrta gimnazija	Gimnazija		20
		U K U P N O:		20
2	Gimnazija Dobrinja	Gimnazija, opći smjer		21
		Scenske umjetnosti		21
		U K U P N O:		42
3	Srednja muzička škola	Muzičar općeg smjera		4
		Muzičar solista		10
		U K U P N O:		14


4	Srednja škola primijenjenih umjetnosti	Likovni tehnič. za reklamnu grafiku	2
		Likovni tehničar za opremu knjige	3
		Likovni tehničar za obradu metala	4
		Likovni tehničar za primijenj.slikarst	3
		Likovni tehničar za primijenj.vajarst	5
		Likovni tehničar za tekstilni dizajn	1
		UKUPNO:	18
5	Srednja mašinska tehnička škola	Mašin. tehn. konstrukt. na računaru	15
		Mašinski tehničar za kompjutersko upravljanje mašinama	4
		Mašinski tehničar energetike	24
		UKUPNO:	43
6	Srednja škola za saobraćaj i komunikacije	Tehničar PTT saobraćaja Jedinstveno zvanje sa izbornim područjima nakon prvog razreda -poštanske tehnologije, -komunikacijske tehnologije	22
		Tehničar drumskog saobraćaja (Jedinstveno stručno zvanje sa izbornim područjimanakon drugog razreda: opšti, unutrašnji transport	16
		UKUPNO:	38
7	Srednja škola metalnih zanimanja	Mašinski tehničar (izborna područja : Zrakoplov i motor; opsluživanje zrakoplova i tereta, motori i motorna vozila, industrijska i naočalna optika; finomehanika; primijenjena informatika i računarstvo)	6
		Tehničar mehatronike	18
		Limar	9
		Instalater centralnog grijanja	10
		Operator na CNC alatnim mašinama za obradu skidanjem strugotina	2
		Zlatař-draguljar	11
		Optičar	4
		UKUPNO:	60
8	Željeznički školski centar	Elektrotehničar (izborna područje, razredu: signalnosigurnosna tehnika, energetika, elektronika)	17
		Tehničar željezničkog saobraćaja/vuče	22
		Tehničar za logistiku i špediciju	20
		Rukovalac signalno – sigurnosnih postrojenja	11
		Elektroenergetičar	12
		Zavarivač	8
		Mehaničar šinskih vozila	11
UKUPNO:	101		
9	Srednja građevinsko-geodetska škola	Arhitektonski tehničar	5
		Građevinski tehničar	17
		Geodetski tehničar-geometar	26
		Keramičar- podopolag.	3
		Moler-farbar	7



		<b>UKUPNO:</b>		58
10	Srednja škola za okoliš i drveni dizajn	Tehničar za obradu drveta – programer na CNC mašinama		14
		Šumarski tehničar / Tehničar hortikulture		8
		Ekološki tehničar		17
			Rasadničar	2
			Lugar	10
			Stolar	2
			Tapetar – dekorater	9
		<b>UKUPNO:</b>		62
11	Srednja škola poljoprivrede, prehrane, veterine i uslužnih djelatnosti		Voćar – vinogradar-vinar	5
			<b>UKUPNO:</b>	5
12	Srednja škola za tekstil, kožu i dizajn	Dizajner tekstila i odjeće		20
		Tekstilni tehn. modelar-konstruktor		24
		Tekstilni tehničar konfeksionar		21
			Krojač	3
			Obučar	9
		<b>UKUPNO</b>		77
13	Srednja poslovno-komercijalna i trgovačka škola Sarajevo	Poslovno-pravni tehničar		1
		Komercijalni tehničar		14
		Aranžer		18
			Trgovac	5
		<b>UKUPNO:</b>		38
14	Srednjoškolski centar Vogošća	Ekonomski tehničar		8
		Mašinski tehničar za kompjutersko upravljanje mašinama (CNC tehničar)		4
			<b>UKUPNO:</b>	12
15	Srednjoškolski centar Hadžići	Gimnazija		7
		Arhitektonski tehničar		5
			<b>UKUPNO:</b>	12
16	Srednjoškolski centar „Nedžad Ibrišimović“ Ilijaš	Gimnazija		14
		Mašinski tehničar konstruktor na računaru		8
			Autolimar	8
			Zavarivač	3
			Kozmetičar	3
		<b>UKUPNO :</b>		36
17	Škola za srednje stručno obrazovanje i radno osposobljavanje		Pomoćni: autolakirer, autolimar, moler-farbar, tapetar, knjigovezac, Kuhar, cvječar, konfeksionar takstila - krojač, operater za unos podataka, obučar, keramičar, bravar.	Prema broju prijavljenih učenika
18	Centar za slijepu i slabovidnu djecu i omladinu	Fizioterapeutski tehničar Poslovni tajnik Telefonski operater	Fizioterapeutski tehničar Poslovni tajnik, telefonista	Prema broju prijavljenih učenik

19	Centar za slušnu i govornu rehabilitaciju	Tekstilni tehničar modelar-konstruk Grafički tehničar Mašinski tehničar	Krojač, Autolimar, Limar, Metalostrugar, Bravar, Plinski i vodoinstalater, Tapetar, Fotograf, Knjigovezac, Frizer,	Prema broju prijavljenih učenik
----	---	---	--	---------------------------------

*Ke* **MINISTAR**  
*Elvir Kazazović*  
**Prof. dr. Elvir Kazazović**



web: <http://www.mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1

